

यूहन्नाइ सोंखेबै लार फ्हिबै फ्हिछ्या

फ्हिबै म्हिः प्रभु येशूजी कुल्मिंबै चेला चिब यूहन्ना ।

फ्हिबै त्हेः ई. सं. ९० साल, अथवा बि. सं. १४७ साल जरे ।

फ्हिल् त्हुबै ताँः परमेश्वरुँडैले खबै सैं तोबै ताँ विप्रबै
बिश्वासीमैलाइ लोमिंबै म्हि गायसलाइ स्याबस पिंबर
यूहन्नाइ चु फ्हिछ्यार फ्हिव् ग । झाइले चमैलाइ बिरोध
लसि पोबै डियोत्रिफस बिबै म्हिमेंउँडैले क्हेमें न्ह क्रों मि क्रोले
टिद् बिडमुँ । धै अकोँ डेमेत्रियस बिबै म्हिलाज्यै चु फ्हिछ्यार
यूहन्नाइ स्याबासि पिंडमुँ ।

चु फ्हिछ्यार मुँबै तामैं

ओसोंबै ताँ १-४

गायसलाइ स्याबासि पिंबर ५-८

डियोत्रिफसइ आछ्याँबै के लडमुँ बिबै ताँ ९-१०

डेमेत्रियसलाइ स्याबासि पिंबर ११-१२

आखिरि ताँ १३-१५

1 ड बिश्वासीमैं न्होंबैं एल्डरउँडैले डइ खोबै थु गायसलाइ जय
मसीह मुँ । डइ सैं न्होंउँडैले किहलाइ म्हाँया लमुँ ।*

2 ओ डइ खोबै थु, किहइ लबै तान् केर छ्याँब तरिगे, धै किह
खोंयोँइ नब छब आतरिगे बिसि डइ किहए ल्हागिर प्राथना लम् ।
किह बिश्वासर भोंब मुँ बिब डइ सेइमुँ ।

3 किह क्त्होंसेन्लेन् परमेश्वरए घ्यार प्रइमुँ बिबै ग्वाइ चुर खबै
अलिमैँड पिंमा ड बेल्ले सैं तोँइ । क्त्होंसेन किह खोंयोँन् बिलै
क्त्होंसेन्बै घ्यार प्रम् ।

☆ 1:1 1:1 000000 00:२९; रोम १६:२३; १ कोर १:१४

4 डए कोलोमैं छले क्होंसेन्बै घ्यार प्रइमुं बिबै तां थेमा चु भन्दा थेबै सैं तॉन् लबै तां डए ल्हागिर अरू तोइ आरे ।

०००००००० ००००००००० ०००००

5 ओ डए खोबै थु, किह डार खबै विश्वासी अलि-अडांमैं स्यांमैं मुंलेया किहइ चमैए सेवा लसि किहइ भर लल् खाँबै के लइमुं ।

6 किहइ चमैए फिर सैं न्होंउँइलेन् म्हाँया लसि ल्होमिंइ बिसि चुबै विश्वासीमैए उँइरि चमैइ किहए बारेर ग्वाइ पिंइमुं । अझै चमैए ल्हागिर घ्यार चैदिबै सैमैए तौदु किहइ लमिंइ बिस्याँ झन् परमेश्वरजी खोबै छ्याँबै के किहइ लभ्मुं ।

7 तलेबिस्याँ प्रभु येशूए फिर विश्वास आलभ्मैउँइले चमैइ तोइ सै आकिल्ले ख्रीष्टए के लबर त्होंखभ्मैं ग ।

8 छतसि डचोय्जै या क्होंसेन्बै तां बिप्रबै केर ल्होमिंबै ल्हागिर छाबै म्हिमैए सेवा डचोइ लल् त्हुम् ।

०००००००००० ००००० ०००००००००००

9 डइ विश्वासीमैए ल्हागिर च्यु रिन्टि फ्हिछ्या फ्हिल, दिलेया क्हेमैए म्हाँजोर थेब् तल् म्हेबै डियोत्रिफसइ डइ बिबै ताँ आडिं ।

10 छतसि ड चर खसि चइ लबै केमैए बारेर ताँ रेभ्मुं । डचोए बिरोधर चइ आछ्याँबै ताँ पोंप्रम्, च्हाँ मत्त्रे आडिं सैं तोंबै ताँ बिप्रबै विश्वासी अलिमैलाज्यै या चइ धिर मान आल । चमैलाइ मान लल् म्हेभ्मैलाज्यै या चइ छ आलद् बिसि चमैलाइ मण्डलीउँइले बैरू तेवाम् ।

11 ओ डइ खोबै थु, आछ्याँबै के लभ्मैइ धोले आलद्, बरू छ्याँबै के लभ्मैइ धोलेन् किहज्यै या छ्याँबै केमै लद् । छ्याँबै के लभ्मैं परमेश्वरए म्हिमैं ग, आछ्याँबै के लभ्मैइ परमेश्वरलाइ आम्रोंइमुं ।

12 तॉन् म्हिमैइ डेमेत्रियसए बारेर छ्याँबै बयन लम् । क्होंसेन्बै ताँइ बिब् धोले च प्रबइले च छ्याँबै म्हि ग बिसि बयन

लम् । डिज्यै या चए बारेर छयाँबै ग्वाइ पिंम्, झाइले डिइ बिबै
ताँ क्होसैन्बै ग बिसि किहइ सेइमुँ ।

?????? ????

13 डइ किहने बिल् त्हुबै ताँ ल्हेन् मुँ, छतसि तोगो काउदर
कलमइ फ्हिब् भन्दा

14 बरु किहनेन् त्होसि ताँ लदा इहाँइमुँ । छतसि डचो तारे
युनन् त्होसि ताँमै लस्यो ।

15 किहलाइ खोयोन् बिलै छिं इहाँल् योरिगे ।

चुबै थुमैइ किहने जय मसीह बिमिंइमुँ । झाइले चबै डचोए ताँन्
थुमैलाज्यै या डिउँइले जय मसीह बिमिंन् ओ ।

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514